

過蓋公峴山

峴石崎嶇馬不禁溪風蕭颯虎難尋山橫劍戟參差大氣鬱煙霞  
曠藹深道眾不游閑景色天涯都是好叢林因循北海修黃籙  
宛轉東萊謁翠岑

避事過蓋公峴

乘閑杖策躡仙蹤度石穿林望蓋公西海有雲波慘澹東山初  
日氣濛鴻崎嶇萬壑深潛跡牢落三州暗轉蓬出處自非心染  
著從教著棒打虛空

驟雨

萬疊濃雲靄靄屯千尋白雨下山門陰陽氣激風雷急草木聲

道藏輯要

磻溪集

七

又胃集三

號宇宙昏鳥獸相迷煙慘慘魚龍交錯水渾渾一時造化驚天  
地咫尺中間孰見根

季冬八日大雪

二首

昨夜南風又北風曉來天地一濛濛零珠碎玉隨高下萬壑千  
巖合異同日月不知安頓處山川塞在杳冥中返觀性命陰陽  
理始識虛無造化功

昨夜南風又北風曉來天地一濛濛山村野店家家異柳絮梅  
花處處同石室松堂雲歛後瑤臺瓊榭月明中何須更問興年  
瑞祇此深嘉大道功

酬同知定海軍節度使張侯雲中見訪

二首